

NOYE WALON 1995.

*****□

Dins les ôtels, n'a falot pont,
Pèrson.ne n'a vlot à sa mājon.

I n'è trouvé k'ène èbinéye,
In bû, èn' âne è des berdjîs.

S'il' ârint sû !

Pîs, gn è yu ène nuwéye
d'andjes

K' ont vnu pou tchanter ses
louwanjes.

E par après, trwâs Rwas,
Ki î ont apwârté toute leu
fwa.

Zès savint djà !

Et nouzôtes, tout bin rnipés,
Sé-t-on co bin ç' ku ç' est,

Noyé ?

En afant, in Dieu, in Sâveur,
K'è vnu su tère pou nosse
bouneur !

Lu sèt-on bin ?

Pou lu rmèrçî, ku fât-i fwêre ?

Dudins nosse monde tout rempli
d'guêre ?

Tourtous assan.ne, chûre çè k'
i dit

Et nosse prochin, bin l'akeuyi.

I fôt sawè !

Vlà d'jà lontins k'i ratind çà.

Du Bèthléem ou Golgotha,
I l' rudirè à toutes les djins.

Fjans î pléji, dnans nous la
mwin !

I l' sârè bin !

Louwis BEDJOT